

Na osnovu člana 90. Zakona o javnim nabavkama („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma («Službeni glasnik BiH» br. 90/14) i dostavljene Ponude br: 1/17 od 09.04.2017. godine zaključuje se

UGOVOR O PRUŽANJU ADVOKATSKIH USLUGA

između:

1. JU "Kantonalni centar za socijalni rad", ulica Gatačka broj 80., Sarajevo, IDB: **4200115210002**, koju zastupa direktor Mr.sci Adnan Podžo (u daljem tekstu: Klijent)

i

2. Advokat Adina Buzurović, ulica Mustajbega Fadilpašića br.1, Sarajevo IDB: 4301195920006 (u daljem tekstu: Advokat)

Član 1.

Predmet ovog Ugovora je pružanje advokatskih usluga za potrebe Klijenta, s ciljem osiguranja kvalitetne i stručne pravne podrške Klijentu, prema tehničkoj specifikaciji advokatskih usluga prema ponudi br: 1/17 od 09.04.2017. godine, koja čini sastavni dio ovog ugovora.

Ovaj Ugovor zaključuje se nakon provedenog direktnog sporazuma i dostavljene Ponude br: 1/17 od 09.04.2017. godine, a na osnovu Odluke o pokretanju postupka javne nabavke advokatskih usluga broj: **35/X-02-404-340/17 od 23.03.2017. godine.**

Ponuda Advokata od 09.04.2017.godine je sastavni dio ovog Ugovora.

Član 2.

Poslovi iz člana 1. Ovog ugovora obuhvataju sljedeće usluge:

- 1) Pravno zastupanje interesa ugovornog organa pred nadležnim sudovima u predmetima po tužbama za naknadu po osnovu vršenja starateljstva i potraživanja naknada zaposlenika za prekovremeni, noćni rad i drugim sporovima iz radnih odnosa-topli obrok, regres, razlika plate, jubilarnih nagrada kada su ova potraživanja sastavni dio tužbenog zahtjeva sa potraživanjima naknade za starateljstva, prekovremeni i noćni rad (odgovori na tužbe, sastavljanje žalbi, odgovora na žalbe, zastupanje na pripremnim ročištima, zastupanje na ročištima za glavnu raspravu, uključujući sve pripremne radnje, pravne lijekove i drugo).
- 2) Pravno zastupanje interesa ugovornog organa pred nadležnim sudovima u svim predmetima čija vrijednost spora iznosi preko 20.000 KM (odgovori na tužbe, sastavljanje žalbi, odgovora na žalbe, zastupanje na pripremnim ročištima, zastupanje na ročištima za glavnu raspravu, uključujući sve pripremne radnje, pravne lijekove i drugo).
- 3) Pružanje pravne podrške pri realizaciji ostalih poslova iz djelatnosti ugovornog organa, u smislu praćenja njegovog zakonitog postupanja (priprema i pomoć u postizanju vansudskih nagodbi, usmena pravna mišljenja i pravni savjeti, pismeni pravni savjeti i pismena pravna

mišljenja, sastavljanje isprava, sastavljanje opomena i dr.), u skladu sa njegovim zahtjevima.

Član 3.

Klijent se obavezuje da će za svaki predmet koji se advokatu ustupa na zastupanje dostaviti posebnu punomoć i potrebnu dokumentaciju koju posjeduje a koja se odnosi na predmet spora.

Advokat će komunikaciju u vezi sa predmetom spora vršiti sa stručnom Službom Klijenta (Služba za pravne poslove koordinaciju i informisanje).

Član 4.

Advokat se obavezuje sve poslove iz člana 2. Ovog ugovora obavljati savjesno i odgovorno, poštujući pravila svoje profesije i respektujući postojeći pravni poredak i u okviru advokatskog zadatka i etike zalagati se maksimalno za interese Klijenta.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu.

Član 5.

Klijent se obavezuje da po rješenju ili nalogu suda uz zahtjev advokata izvrši uplatu sudskih taksi ili vještačenja u rokovima koje sud odredi za svaki predmet u sudskom postupku, a uz prethodnu dostavu rješenja ili naloga suda koji će advokat dostaviti Klijentu odmah po prijemu od strane suda.

Član 6.

Cijena za izvršenje predmetnih usluga iznosi:

- Cijena bez PDV-a: 6.000,00 KM
- Ukupna cijena sa PDV-om: 7.020,00 KM

Isplata ugovorene cijene će se vršiti u jednakim mjesečnim iznosima, u iznosu od **500 KM bez PDV-a, odnosno 585 KM sa PDV-om.**

Član 7.

Klijent se obavezuje da će cijenu iz člana 6. Ugovora, isplatiti Advokatu u roku od 30. dana od dana prijema fakture koju ispostavi Advokat.

Član 8.

Ovaj Ugovor zaključuje se na period od **1 (jedne) godine**, odnosno od **13.04.2017. do 13.04.2018. godine** a stupa na snagu danom potpisivanja ugovornih strana.

Član 9.

Ugovorne strane mogu otkazati ovaj ugovor u svako doba, na način da jedna ugovorna strana drugoj uputi pisani otkaz. Otkazni rok iznosi 30 (trideset) dana od datuma slanja pisanog otkaza.

Član 10.

Ugovorne strane su saglasne da se ovaj ugovor može raskinuti prije roka iz prethodnog člana, ako jedna od ugovornih strana ne izvršava obaveze iz ugovora.

Član 11.

Advokat se obavezuje da će po isteku Ugovora, izvršiti povrat predmeta koji mu budu ustupljeni za izvršenje predmetnih usluga.

Član 12.

Ugovorne strane su saglasne da će eventualno nastale sporove iz osnova ovog Ugovora rješavati mirnim putem, a ukoliko to ne bude moguće, za rješavanje istih nadležan je sud u Sarajevu.

Član 13.

Za sve ostale odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuće odredbe Zakona o obligacionim odnosima.

Član 14.

Ovaj Ugovor je sačinjen u 4 (četiri) istovjetna primjerka, od kojih od kojih svaka ugovorna strana zadržava po 2 (dva) primjerka.

ADVOKAT
ADINA BUZUROVIĆ
Sarajevu, Ul. Mustajbega Fadilpašića

KLIJENT
Mr. sc. Adnan Podžo

Broj: 35/X-02-404-340/17
Sarajevo, 13.04.2017.godine



